

781867

記事
小說
端
王

[



3 0326 5674 0

小說

端

王

端郡王載漪。爲惇親王之子。因惇王於宣宗服內生子。故賜名漪。漪用犬字旁也。惇王宣宗（道光）之子。文宗（咸豐）之弟也。惇王以鯁直著稱。平生秉公無私。載漪頗效之。惟愚而不學。驕盈特甚。以致迷信拳匪。禍國殃民。身敗名裂。顛沛流離。至於爲世所棄。今已年逾六旬。窮迫回京師。聞載漪前在甘肅時。兩腿已不利於行。類於下痿。而今老病堪憐。且不獲立足之地。嗚呼。回憶當年。何有今日。天意耶。人爲耶。吾不得而知之矣。當光緒初葉。載漪祇當御前差。人皆稱之。貝勒府在西直門內。瓜園東。今師範學校。即府地也。載漪初爲孝欽太后所不喜。繼因其福晉頻入內。得太后之歡心。以福晉故。漸爲孝欽所信任。於是屢派優差。予以兵柄。令管神機營。並練虎神營兵。戊戌政變後。孝欽以漢人不可靠。凡國家要政。多畀親貴。載漪大得委任。晉封端郡王。自此人始稱之曰端王。載漪長子名溥儀。已授爲御前侍衛。次子溥儀。爲繼娶福晉所生。福晉即蒙古阿拉善王之女也。政變後。孝欽謀廢德宗（光緒）。先擇近支王貝勒之子爲皇嗣。其溥字輩最親而最長者。爲溥倫。溥侗兄弟。溥倫爲

孚郡王之孫。孚郡王宣宗之第九子也。穆宗（同治）崩無子。溥倫以次當立。孝欽后以爲皇帝繼穆宗後。則穆皇后當爲皇太后。而已當爲太皇太后。不足持大柄。乃不爲穆宗立嗣。謂溥倫之父已出繼遠支。溥倫兄弟皆不當立。溥字輩無人。不得不選載字輩。於是選醇親王奕譞之子入嗣大統。是爲德宗。德宗之母孝欽后之妹也。孝欽以內親故。冀其長而親我。又利立少主。則攬權之日長。故載漪以長房至親。不得立。及德宗親政。思變法自強。內壓於孝欽。不能行其志。漸失愛於孝欽。戊戌八月之變。孝欽突自頤和園還宮。持帝手哭。詈曰。我自爾數歲。以帝位授汝。辛勤鞠育。至於長成。汝乃負心欲廢我耶。乃幽帝於瀛台。復出訓政。日言帝病重。徵醫海內。謀廢立。日下詔。頒發中外。以帝病危。真將不起者。而聞各國有違言未得行。己亥冬。榮祿剛毅等謀益亟。孝欽后遂立載漪次子溥儀爲大阿哥。清世家法。不立太子。其立大阿哥。卽已決行廢立。謂德宗久病不能君天下。欲遂廢之。而立溥儀爲穆宗嗣也。（立嗣之事。孝欽主之。事前載漪不知也。言載漪之預謀者非也。）崇綺者。穆皇后之父也。當穆宗崩。不得立嗣。穆后自以皇嫂寡居宮中。又失太后歡。不足自存。乃仰藥。

以殉。及決立溥儀。乃召崇綺出爲師傅。徐桐爲副。隱示以大阿哥實繼穆宗也。孝欽慮廢德宗。各國有違言。先命榮祿私告於李鴻章。使密詢各國意。鴻章自甲午敗後。入總署。復被逐出。閒居京師賢良寺。鴻章謂我以閒廢。與各國使署少所往還。無由詢問。若外任我總督。各國公使必來賀。當乘間詢之。蓋李慮廢立京師生變。思避之也。榮祿諾之。數日而鴻章果授粵督。其時康有爲倡保皇會於海外。勢甚大。慮粵省或生變。兼命鴻章鎮之。命下之後。各國公使來致賀。鴻章乘間言。我國現立大阿哥。行將爲帝。君等入賀否。各使皆言未洞內情。不知所賀。惟今帝以二十餘年君主。未聞有失德。且歷與我立約。將焉置之。隱示以不認廢帝意。鴻章默然。走告榮祿曰。各國拒我矣。乃以所言告榮祿。榮祿密奏於孝欽。孝欽后乃大恨。載漪自以將爲天子父。儼然太上皇。方大快意。聞各國阻之。乃極恨外人。思伺時報此讎。適義和團以滅洋爲幟。載漪乃大喜。剛毅趙舒翹何乃瑩先後導拳匪入京師。日以仇教爲名。斥德宗爲教主。載漪欲引以謀廢立。屢導匪首入宮演邪術。孝欽后深信之。載漪兄載灃弟載瀾並以漪故。深被寵任。附和拳匪。驕傲異常。五月以載漪管理總理衙門。

載漪本總管虎神營。至是外交權。兵權。並在掌握。拳匪焚掠殊甚。各國以兵艦至天津。因開御前會議。許景澄。袁昶。力言釁不可開。三上諫章。載漪恨之。遂戮袁許。徐用儀。立山。聯元。皆以通夷被戮。每廷議。帝皆言匪不可信。釁不可開。載漪語不遜。帝無如何。載漪既倚拳匪及董福祥。驕橫益甚。孝欽后亦曲意就之。各國公使赴總署約。德使克林德。被神機營靈字隊兵擊斃於道。後至者皆逃歸。有言載漪遣虎神營兵伺於道。擊之者非也。及通州失陷。李秉衡吞金死。載漪仍兇暴。欲殺奕劻。榮祿。王文韶。廖壽恒。俄而城破。兩宮出走。載漪與奕劻。剛毅。溥倫。那彥圖等。隨扈至太原。各國索罪魁急。李鴻章等電劾肇禍諸王大臣。載漪遂革爵。交宗人府圈禁。俟軍務平定後。再行交往盛京。永遠圈禁。各國憾不已。乃定爲斬監候。以懿親加恩。發新疆永遠監禁。即日起解。載漪自以罪重。計當被戮。奉發配極邊之旨。大喜過望。又詢左右曰。阿哥有罪乎。衆曰。未聞也。載漪曰。本無預渠事。當可免也。乃兼程赴所。蓋恐西人續請正法也。大阿哥頑劣無狀。在西安日。携數內監至劇院。其父成邊亦無威容。旋斥退出宮。回鑾後。閒居京師。載漪及家屬。初依蒙古阿拉善王居。清宣統元年。

載漪福晉死。載漪偕其長子溥儀。遂往甘肅。及辛亥革軍起。甘肅獨立。載漪貧不能自存。民國肇造。後窘迫益甚。然仍居隴中。不得還京也。

當拳匪之亂也。許景澄袁昶以忠直敢諫。被冤戮。因奏中有請將徐桐剛毅等置重典之語。故許袁雖被戮。端王剛毅有餘怒。致許袁家人不敢往收尸。翌日徐用儀往視。涕下收殮焉。端剛聞而深惡之。徐用儀時居東華門北河沿。拳匪忽攻其家。焚其室。蓋徐與立山聯元皆先斬于市者也。立山以部員至戶部尙書兼內務府大臣。致富千萬。以心計得孝欽后歡。廷辯時。帝不欲啓釁外國。謂義和團安足恃。自古邪術無不滅者。后度載漪辨窮。乃問立山思藉以助載漪也。立山謂拳民術多不驗。載漪聞之。登時色變。斥立山爲通夷。后亦甚怒。立山居宅在酒醋局。與西什庫教堂近。載漪等圍攻使館教堂。久不下。疑立山穴地道濟其糧。使拳匪圍搜之。並掘深溝。無所獲。拳匪利其富。乃肆掠搜其家。擁立山以去。載漪命付詔獄。數日請旨戮焉。聯元以內閣學士在總署。滿人之號明通者也。廷詢時。聯元拚死力諫。當時幸有滿人力諫。千載之下爲滿族增光。言前史兩國失和。無戮使臣者。公法以不能保護使臣

爲野蠻之國。今各使署洋兵。不過千餘人。聚而殲之。固非難事。然各國合而報我。不幸而京師不守。則其禍極烈。后大怒。命斬之。諸臣跪求始免。未幾仍遇害。景澄與袁昶厚。過從最密。景澄時督辦鐵路。兼管理大學堂事務。大臣拳匪所稱二毛子者也。廷詢時。景澄哀昶。陳奏皆慷慨。帝執景澄手而泣。后怒叱之曰。許景澄失儀。景澄悚然退。袁昶連上二疏。力言拳匪宜剿。使臣不當殺。皆不報端。王等目之爲汗奸袁。昶不畏死。復與景澄連名上第三疏。劾大學士徐桐。剛毅。啟秀。趙舒。耆。疆。臣。毓賢。裕祿。更暗指載漪等袒匪。詞甚痛切。疏曰。竊自拳匪肇亂。甫經月餘。神京震動。四海響應。兵連禍結。牽動全球。爲千古未有之奇事。必釀成千古未有之奇災。咸豐年間之髮匪。貢嶠十餘年。蹂躪十數省。上溯嘉慶年間之川陝教匪。淪陷四省。竊據三四載。考之方畧。見當時興師振旅。竭中原全力。僅乃克之。至今視之。則前數者皆手足之疾。未若拳匪爲腹心之疾也。誠然。蓋髮匪捻匪教匪之亂。上自朝廷。下至閭閻。莫不知其爲匪。而今之拳匪。竟有身爲大員。謬視爲義民。不肯以匪目之。亦有知其爲匪。不敢以匪加之者。無識至此。不特爲各國所仇。且爲各國所笑。查拳亂之始。非有槍

礮之堅利。戰陣之訓練。徒以扶清滅洋四字號。召不逞之徒。烏合肇事。若得一牧令。將弁之能者。蕩平之。而有餘。前山東巡撫毓賢。養癰於先。直隸總督裕祿。禮迎於後。給以戰具。附虎以翼。扶清滅洋四字試問。從何解說。謂國家二百餘年深恩厚澤。浹於人心。食毛踐土者。思效力馳驅。以答覆載之德。斯可矣。若謂國家多事。時局艱難。草野之民。具有大力。能扶危而爲安。曰扶之而先傾之。其心不可問。其言尤可誅。臣等雖不肖。亦知洋人窟穴內地。誠非中國之利。然必修明內政。慎重邦交。觀釁而動。擇各國之易與者。一震威權。用雪積憤。設當外寇入犯。時有能奮發忠義。爲滅此朝食之謀。臣等無論其力量何如。要不敢不服其氣慨。是極。今朝廷方與各國講信修睦。忽創滅洋之說。是爲橫挑邊釁。以天下爲兒戲。且所滅之洋。指在中國之洋人而言。抑括五洲各國之洋人而言。僅滅在中國之洋人。不能禁其續至。若盡滅五洲各國。則洋人之多於華人。奚啻十倍。豈只十倍。其能盡滅與否。不待智者而知之。不料毓賢裕祿。爲封疆大員。識不及此。裕祿且招攬拳匪頭目。待如上賓。裕祿與毓賢不同。毓賢是糊塗愚謬。裕祿是附合權貴。鄉里無賴棍徒。聚衆千百人。持

義和團三字名帖。即可身入衙署。與該督分庭抗禮。不亦輕朝廷。而羞當世之士耶。靜海縣之拳匪張德成。曹福田。韓以禮。文霸之王德成等。皆平日武斷鄉曲。蔑視官長。聚衆滋事之棍徒。爲地方巨害。其名久著。土人莫不知之。早當殺之以除地方之害。即京師之人亦莫不知之。該督公然入諸奏報。加以考語。而爲錄用地步。眞是可笑之甚。一欺妄君上。莫此爲甚。〔當時硬說是忠臣〕又裕祿奏稱五月二十夜戌刻。洋人索取大沽礮台屯兵。提督羅榮光堅却不允。相持至丑刻。洋人竟先開砲。攻取該提督竭力抵禦。擊壞洋人停泊輪船二艘。二十二日紫竹林洋兵分路出戰。我軍隨處堵截。義和團民分起助戰。合力痛擊。焚燬租界洋房不少。臣詢由津避難來京之人。僉謂擊沉洋船。焚燬洋房。實無其事。而我軍及拳匪被洋兵轟斃者。不下數萬人。異口同聲。決非謠傳之訛。甚有謂二十八日洋人攻擊大沽礮台。係裕祿令拳匪攻紫竹林。先行挑釁等語。此說或者衆怨攸歸。未可盡信。而誑報軍情。竟與提督董福祥。詐稱使館洋人焚殺盡淨。如出一轍。董福祥本係甘肅土匪。窮迫投誠。隨營効力。積有微勞。蒙朝廷不次之擢。得有今職。應何等束身自愛。仰酬厚恩。乃

比匪爲奸。行同寇賊。其狂悖之狀。不但辜負天恩。益恐狼子野心。或生他患。裕祿歷任兼圻。非董福祥武員可比。而竟憤憤乃爾。令人不可思議。要皆希合在廷諸臣謬見。誤爲我皇太后皇上聖意所在。遂各倒行逆施。肆無忌憚。是皆在廷諸臣欺飾鋼蔽。有以召之也。大學士徐桐素性糊塗。罔識利害。軍機大臣協辦大學士剛毅。比奸阿匪。頑固性成。軍機大臣禮部尙書啟秀。謬執己見。愚而自用。軍機大臣刑部尙書趙舒翹。居心狡獪。工於逢迎。說得透徹。到底眞。令人五體投地。當拳匪入京之時。仰蒙召見。王公以下內外臣工。垂詢勸撫之策。臣等有以團民非義民。不可恃以禦敵。無故不可輕與各國開釁之說進者。徐桐剛毅等。竟敢於皇太后皇上前。面斥爲逆說。夫使十萬橫磨劍。果足制敵。臣等凡有血氣。何嘗不願聚彼族而殲旃。否則自誤以誤國。其逆恐不在臣等也。五月間。剛毅趙舒翹奉旨前往涿州。解散拳匪。該匪勒令跪香。語多誣枉。趙舒翹明知其妄。語其從人等。則太息痛恨。終以剛毅信有神術。不敢立異。附從剛毅。僅出告示數百紙。含糊了事。所以趙舒翹死的至無味。以業經解散覆命。既解散矣。何以羣匪如毛。不勝薈薶。似此任意妄奏。朝廷盍一

責詰之乎。近日天津被陷。洋兵節節內逼。曾無拳匪能以邪術阻令前進者。誠恐旬日之間。勢將直撲京師。萬一九廟震驚。兆民塗炭。爾時作何景象。臣等設想及之。悲來填膺。清室有此等忠臣而戮之。國祚焉能長久。而徐桐剛毅等談笑漏舟之中。晏然自得。一若仍以拳匪可作長城之恃。盈廷惘惘。如醉如痴。親而天潢貴冑。尊而師保樞密。大半尊奉拳匪神。而明之甚。至王公府第。亦設有拳壇。拳匪愚矣。更有愚徐桐剛毅等。徐桐剛毅等愚矣。更有愚王公。是徐桐剛毅等實爲釀禍之樞紐。若非皇太后皇上立將首先袒護拳匪之大臣。明正其罪。上伸國法。恐朝臣僉爲拳匪所惑。外臣之希合者接踵而起。又不止毓賢裕祿數人。國家三百年宗社將任謬妄諸臣。輕信拳匪。爲孤注之一擲。何以仰答列祖在天之靈。臣等愚謂時至今日。間不容髮。非痛勦拳匪。無詞以止洋兵。非誅袒護拳匪之大臣。不足以勦拳匪。方匪初起時。何嘗敢抗旨辱官。毀壞官物。亦何嘗敢持械焚劫殺戮平民。自徐桐剛毅等稱爲義民。拳匪之勢益張。愚民之惑滋甚。無賴之徒愈聚愈衆。使毓賢去歲能力勦該匪。斷不致蔓延至直。隸使今春裕祿能認真防堵。該匪亦不至闖入京師。使徐桐剛毅

不加以義民之稱。該匪尙不敢大肆其掠焚殺戮之慘。推原禍首。罪有攸歸。應請旨將徐桐、剛毅、啟秀、趙舒翹、裕祿、毓賢、董福祥先治以重典。其餘袒護拳匪與徐桐、剛毅等謬妄相若者。一律治以應得之罪。不得援議貴議親爲之末減。庶各國恍然於從前縱匪肇釁。皆謬妄諸臣所爲。並非國家本意。棄仇尋好。宗社無恙。然後誅臣等。以謝徐桐、剛毅諸臣。臣等雖死。當含笑入地矣。（忠烈之至）無任流涕具陳。不勝痛憤惶迫之至。（有胆有識。至今讀之。尤凜凜有生氣）疏入。剛毅載漪等大怒。必欲殺之以洩憤。適季秉衡已授爲武衛軍幫辦大臣。自長江奉命帶兵入衛。載漪令其沿途搜捕奸謔。至清江浦北四十里。獲二人。自京來者。一爲景澄。致江督劉坤一書。一爲袁昶。致鐵路督辦盛宣懷書。皆力詆端王、剛毅及太后之受愚。語極憤痛。秉衡繫之北上。以書呈載漪。載漪大恨。請旨逮捕許。袁送提署幽之。七月初四日。忽下上諭。吏部左侍郎許景澄、太常寺卿袁昶。屢次被人奏參。聲名惡劣。平日辦理洋務。各存私心。每遇召見時。任意妄奏。莠亂言政。且語多離間。有不忍言者。實屬大不敬。許景澄、袁昶均着即行正法。以昭炯戒。押赴菜市口。拳匪塞途聚觀。拍掌大笑。端剛趙

董等相賀於朝。景澄在獄中。以鐵路學堂辦理情形。欸存何處詳列付所司。至刑場。刑部侍郎徐承煜。景澄爲監斬官。徐見景澄袁昶咸衣冠。叱役去之。景澄曰。吾等雖奉旨正法。未奉旨革職。況犯官就刑。例得服衣冠。爾作官久。尙未聞耶。承煜赧然。袁昶問曰。吾二人死固無恨。然何罪而受大辟。請以告。承煜怒叱曰。此地尙容爾曉辯耶。爾罪當自知。何煩吾言。昶曰。爾何必如此作態。吾二人死當有公論。洋兵行將破京師。爾父子斷無生理。皆是一死。流芳遺臭。千古無休。吾等待於地下可也。臨刑皆神色不變。（忠烈之至）及京城破。兩宮狩西安。李鴻章請旨昭雪。上諭本年五月間。拳匪倡亂。勢日猖獗。朝廷以勦撫兩難迭次召見臣工。以期折衷。一是乃兵部尙書徐用儀。戶部尙書立山。吏部左侍郎許景澄。內閣學士聯元。太常寺正卿袁昶。經朕一再垂詢詞意。均涉兩可。而首禍諸臣。遂乘機誣陷。交章參劾。致罹重辟。惟念徐用儀等宣力有年。平日辦理交涉。亦能和衷尙著勞績。應加恩徐用儀立山許景澄聯元袁昶均著開復原官。辛丑二月。徐許袁遺骸南下。江督以下官吏暨南數省士夫。並致祭焉。各國人士多迎其靈柩敬禮云。（庚子雖敗。賴有許袁二公之奏。

使外人知中國未嘗無人。當聯軍破天津也。遂陷楊村。乃往北京進發。以日英美三國兵爲左軍。法俄德奧意五國兵爲右軍。計四萬餘人至通州。與李秉衡戰於河西塢。秉衡敗死。七月十七日破通州。皆息焉。約十八日進向北京。而日俄兵乘夜發。英美繼之。日軍先至壁。東直門外五里。俄隊壁東便門外三里。英美兵屯二閘河南岸。距城七里。法兵二十晚始至。去東城十里駐焉。而俄兵已於午刻攻東便門。翌晨破之。俄兵先入城。都人見哥薩克兵。猶以爲回部援兵至。甚有謂左寶貴夫人之率回兵勤王也。愚哉。是日日軍攻齊化東直二門破之。亦味爽入城。法兵駐城南。聞城破。始發。餘半入城。英兵由廣渠門入。皆陸續至使館。二十一日。日兵先入宮。華兵皆散。日軍不欲轟擊宮殿。乃暫退。兩宮已於二十一日侵晨出走。旗兵隨之去。二十二日聯軍乃佔守各宮門。當聯軍之入京也。北堂圍尙未解。法兵攻順治門。英軍置二礮於正陽門。助夾攻城。上華軍不支。皆遁去。法軍直至西華門。日軍方攻西華門未下。法兵至。開門納日軍。乃解北堂之圍。時被圍已二月矣。日軍先入宮。法兵繼之。過三橋。皆豎法旗。法總兵掘煤山。俄英兩總兵据其旁二廟。二十一日晨。日軍由西直

門城上轟擊端王府。旋火起。晚間紅半天。人民驚駭甚。時載漪已率家屬去。府內空無一人。祇有僕人數名。火起亦逃去矣。聯軍諸帥協議分理區域。由朝陽門至皇城。劃一直綫。俄法佔其東。英美佔其西。日本佔其北。各設民政廳。或安民公所。管轄民事。聯軍搜殺等匪。尸山積焉。時北城爲日軍所佔地。尙無騷擾。而東南城內外民居市廛。已焚者十之三四。聯軍皆大掠。鮮得免者。其袒匪之家。受傷更烈。珍玩器物。皆掠盡。其不便匿藏者。皆賤值售焉。婦女慮受辱。多自經死。朝衣冠及鳳冠補服之屍。觸目皆是。有自經久。項斷屍墜者。其生存者多。於門首插某國順民旗。求保護。神龕佛像。皆委於溝中。蓋恐召禍也。二十二日。聯軍集京師。公舉德帥瓦德西爲統帥。瓦入宮居太后之儀鸞殿。後忽火。全殿燼焉。亦奇矣。尙書崇綺由京奔保定。居蓮池書院。仰藥死。全家亦自盡。先是聯軍日逼京師。七月十六日。兩宮已有西狩之志。以車輛未備。緩行。召端王剛毅等。垂詢事如何。端剛云。老團至可以禦敵。十九夜。礮聲急。知聯軍已至城外。二十日。召見王大臣五次。未次。惟王文韶剛毅趙舒翹三人。太后言。今祇餘爾等三人。餘均自爲計。不復卹吾母子矣。爾等當隨吾行。復謂文韶曰。汝老

矣。而長途苦汝。吾心不安。汝以輿後來。彼二人騎以從。可同行也。帝亦顧文韶必當行。二十一日黎明。兩宮聞洋兵已入城倉猝出宮。妃主均委之以去。兩宮皆乘道傍騾車。王公內侍皆步行出。西直門炮聲不絕。趣行至貫市。東光裕駝行獻駝轎三乘。帝與貝子溥倫同一乘。太后皇后同一乘。太后衣藍布夏衣。尙未櫛也。帝衣藍紗長袍。足著舊靴。臥具皆不及携。是日勺水未入口。晚宿於民居。隨扈者端郡王載漪。慶親王奕劻。肅親王善耆。莊親王載勛。蒙古王那彥圖。貝子公爵數人。剛毅。趙舒翹。溥興等。暨神機虎神營練兵千人。奉懿旨派岑春煊。蘇。魯。岱。管理行營事務。馬玉崑兵千餘人。兵無所得食。沿途掠於民間。時酷暑途行甚苦。暮抵居庸關。延慶州知州秦奎良來迎。太后易奎良輿而行。二十四日抵懷來。縣令吳永聞駕至。倉皇出跪迎。大堂側。太后入居吳夫人室。皇后居其子婦室。帝居籤押房。太后手拍梳桌。命進飲食。蓋出京三日。僅食三雞子也。隨啟。匿自取梳櫳焉。吳夫人曾紀澤女。曾文正之孫女也。爲太后梳頭。太后乃命帝書硃諭。命吳令往東南各省催餉。精以典史。攝縣印。吳令進燕席。並漢裝女衣。並進。帝及大阿哥衣蓋。兩宮出京三日始得安食。易衣也。二

十五日。諭言不得已。西幸。派榮祿。徐桐。崇綺。留京辦事。迅籌辦法。其時尙未知徐崇已死也。二十六日。下詔罪已。令各省保護教民。二十七日。抵宣化府城。駐蹕四日。八月初六日。抵大同府。駐總兵署。駐蹕四日。初十。續派留京辦事各員。其餘令赴行在。十三日。過雁門關。十五日。駐忻州。換黃轎。十七日。抵太原。駐巡撫署。陳設周備。多高宗幸五台時舊物也。在太原時。太后方漸安。遂語侍臣曰。吾不意義和團如此。無用。乃爲皇帝所笑也。至此帝稍發舒。敢辦事。召載漪等痛斥之。欲下諭正其罪。太后阻之曰。載漪等終難免。但我先舉發。恐洋人更要其重者。帝曰。論國法。彼罪不赦。何管洋人如何。載漪等皆伏地叩首。時王文韶同入。太后曰。王文韶老臣。更事久。且爲皇上所信任。問伊如何。文韶了然。太后意婉解之。帝退。猶聞慨歎聲。載漪退出。已懷懷色變。非復前時之氣燄也。

江蘇巡撫鹿傳霖。以兵六千勤王。聞京師陷。繞道河南。至於太原。奏稱聯軍將掠保定。追駕西來。太原不可居。力請幸西安。乃下詔。閏八月初八日。西行。江督劉坤一。聯東南督撫電阻。謂陝西貧瘠。逼近強俄。甘肅尤爲回教所萃。內訌外患。在在堪虞。如

謂陝西地險。可阻聯軍。則我能往寇亦能往。山川之險。既不可恃。偏安之局。亦不能幸成。京師根本重地。不可輕棄。各國曾請退兵。不佔土地。回鑾斷無他變。萬不可局促偏安。爲閉關自守之計。詞甚切摯。而太后終慮聯軍之逼。仍決西行。初八日啟蹕。二十六至潼關。以錦舟渡河。太后欲登華山。以道險。又亟西行而止。僅登萬壽樓。禮聖祖龍牌。九月初四日。車駕至西安。改巡撫署爲行宮。儀制畧備。帝時服布袍。王公皆布衣。太后胃痛時作。屢泣夜不成寐。各省紛進方物。時賜羣下。御膳費二百金。太后謂岑春煊曰。向在京師。膳費數倍於此。今亦可謂省矣。京師以兩宮器服至。鹿傳霖授尙書。入樞府。彌執拗用事。榮祿旋至西安。與王文韶仍筦樞要。內侍兵衛。日擾民間。秦民苦之。修建戲園。諸臣娛樂如太平時。帝見貢物至。必垂涕。各省協解款。已五百餘萬。每解款至。內監需索尤苛。諸臣漸趨行在。百物漸集。西安當奉諭旨。催促李鴻章入京議和。並加慶親王奕劻爲全權。劉坤一。張之洞。會同辦理。鴻章至大沽。俄軍提督派員禮迎。美提督亦來謁。言奉政府命。以使臣禮接。鴻章至塘沽。赴俄營。談甚洽。聯軍方攻北塘。俄以兵隊護鴻章至津。入居海防公所。法廷擬六款。一懲辦

罪魁。由各使臣指定。二禁軍械入華。三賠兵費暨諸損失。四西兵常駐北京衛使館。五毀大沽砲臺。六京津要處西兵屯守。各國皆贊之。閏八月初六日。諭革肇禍諸王大臣。各國始允議和。英德協議四款。一中國商埠。皆得通商。他處擇開商埠。二保全中國疆土。不取尺寸。三如有援他故取中國土地者。英德兩國別商保兩國之利權。四通告各國。請贊議。各國並從之。和議綱領遂定。各國使臣索慶王李鴻章全權憑證。電請行在頒發勅書。乃擬約稿送領袖公使。閏八月初四日。添派榮祿爲議和大臣。各公使以榮祿曾遣董福祥攻使館。拒不與議。榮祿實不如端王夠朋友。鴻章止榮祿勿來京。慶王一以付鴻章。磋商數月。定大綱十二款。一德國公使克林德被害。派親王充專使謝罪。立碑於遇害地。二懲辦罪魁。由各公使指出被害城鎮。五年內不得考試。三日本書記被戕。須向日本謝罪。四各國墳塋發掘之處。立碑雪耻。五軍火不得運入。六賠償各國人民損失。七駐兵衛使館。中國人不得居界內。八毀大沽砲臺。九京師至海道。擇要屯西兵。十人民肇亂罪其長官。不得借端開脫。十一改通商條約十二改總署及覲見禮節。電達行在。得旨照准。乃照議和大綱商定約章。

一、溥儀王載澧。赴德充謝罪使。克林德牌坊已鳩工。二、懲辦罪魁。端郡王載漪。輔國公載瀾。斬監候。加恩貸死。成新疆永不釋回。(甘心信匪被罪亦值)莊王載勛。賜死。尙書趙舒翹。左都御史英年。均賜死。(因附和喪命不值)尙書剛毅。大學士李秉衡。身死奪官。巡撫毓賢。尙書啟秀。侍郎徐承煜。均行正法。提督董福祥革職。被害之尙書徐用儀。立山侍。郎許景澄閣。學聯元。大常寺卿袁昶。均復原官昭雪。三、派侍郎那桐。赴日謝罪。四、被掘墳塋。撥帑立碑。五、禁軍火入口二年。六、償款四百五十兆兩。年息四釐。分三十九年。本息清還。賠款由上海辦理。以關稅鹽政作保。七、劃崇文門大街以西。正陽門城樑。歸使館管理。留兵保護。八大沽砲台削平。九、諸國駐防之處。爲黃村。郎坊。楊村。天津。軍糧城。塘沽。蘆台。唐山。灤州。昌黎。秦皇島。山海關。十、有違約事。罪其長官。十一、北河改善河道。各國派員興修。歲撥帑六萬兩。黃浦河道。各國派員興修。歲費四十六萬兩。一半由中國支付。中國派員會修。十二、改總署爲外務部。班列六部之前。此約在籤押後。除留防使館兵隊。約期撤兵。各國使臣。會同全權。曉示士民。交還北京。先是懲辦罪魁諭旨之下也。聞載漪偕其福晉及三妾。初往內蒙依。

阿拉善王以居之。迨至兩宮上賓。福晉即來京。聞嗣君已即位。旋歸病歿。端王遂往甘肅。居蘭州。當清朝尙在。用度尙可敷衍。及民國肇造。日漸貧困。時袁項城爲總統。聞而憫之。每月予以二百金。以濟其困。令由該地長官撥付之。項城死後。此款已取消。載漪日無所進。生計益窘。其子溥儀及子婦。皆歿於蘭州。載漪孤貧已甚。不得已來京就食。暫居瀛貝勒府。或疑其有他種作用者。是未知載漪老病不堪。且已獲罪革爵。與庶人同。非當年之氣勢也。且王爵既革。府產全失。想載漪亦必追悔爲迷信邪說所害也。嗟乎。信邪之害人深也。回憶庚子之役。上有信邪之太后。下始有信邪之頑民。致釀成國家之奇恥大辱。雖欲悔之。亦已晚矣。在論者追原禍始。不曰剛毅。卽曰毓賢。而其最切齒痛恨者。尤莫如端王。抑知燎原之火。始於星星。涓涓不塞。遂成江河。故端王亦在被動之列。而追溯庚子變亂之源。大抵由夫妄信邪魔。扶乩賽會而起。一人倡之。衆人和之。元之韓林兒。明之唐賽兒。清之髮匪捻匪。何莫非由於邪教。其始也求籤問卜。其繼也降聖聚徒。其終則不至擾亂國家不止。假使清之孝欽。后素無信邪之心。雖有百端王。何足以聳動於其間。而許景澄袁昶諸賢之諫。必

龍納。由是以推。則端王志無可逞。而剛毅饒賢等。更何敢妄有所爲。致令義和團得以濫炫其藝耶。無如孝欽后不悟。以爲眞有神仙下降。齊天大聖。黃蓮聖母。非謬託而西遊記則可作正史觀。且將待觀音大士之顯靈於普陀。凡不逞之徒。皆聞風興起。而當時之大局。遂不可收拾矣。雖然。吾深歎今之迷信武力。以爲擁護權利計者。亦實與迷信神教同屬致禍之端。故爲民上者。宜平其心。正其氣。以趨於法治之途。則庶乎其能行遠。而無所阻。不致如端王一敗塗地也。噫。

■

玉



子

龍0627

KBC
G
246.7
17